

**Timor-Leste tenki nafatin sai demokratiku lolos, respeitu ba direitu umanu
bainhira expanda plataforma direitu dijital sira, membru parlamentariu
Sudeste Aziatiku hateten**

DILI – Timor-Leste nia komitmentu admiravel ba prinsipiu demokratiku no direitu umanu sira iha nia tinan 20 laran independensia tenki rai didiak no haforsa nafatin, iha ne'ebe mak asesu internet, no ekspresan online sira haluan bebeik, ASEAN Parliamentarians for Human Rights (APHR) hatete ohin loron iha konkluzan husi sira nia misaun buka-faktu hodi hare'e kondisaun liberdade internet iha pais ne'e.

Durante misaun buka faktu husi 30 Setembru to'o 2 Outubru, APHR nia delegasaun sira, ne'ebe mak konsiste husi parlamentariu ou lei-nain atual no anterior sira husi Malaysia, Tailandia no Filipina hasoru ho Prezidente Timor-Leste Jose Ramos Horta, Provedor ba Direitu Umanu no Justisa (PDHJ), Konsellu Imprensa Nasional (CI), Autoridade Nasional ba Komunikasaun(ANC), Parlamentu Nasional, no mos representante husi sosiedade sivil no organizasaun media.

"Timor-Leste sae ba bebeik bainhira ko'alia kona-ba demokrasia no direitus umanus, no ita hetan inspirasaun husi nasaun ne'e no ninia sosiedade sivil ne'ebé vibrante, tanba nia luta naruk hasoru kolonializmu no ditadura," dehan membru Assembleia Lejizlativa Estadu nian no membru Assembleia Penang, Gooi Hsiao Leung. "Maski iha kestaun sira ne'ebé prezisa rezolve, liuliu bainhira ita hasoru asesu ba internét no disponibilidade ne'ebé boot liu, ita fiar katak Timor-Leste bele rezolve se ida-ne'e halao ho loos nafatin ba ideál sira ne'ebé bazeia ba baze nasaun nian."

Timor-Leste nia kbiit atu proteje direitus umanus no liberdade fundamentál sira hatudu duni iha Konstituisaun 2002 no hatudu mós katak nia iha diferensa nudar nasaun Sudeste Aziatiku ida-ne'ebé klasifika hanesan "livre" liu iha Indise Liberdade Global iha Freedom House. Maski nune'e, nasaun ne'e mós hasoru dezafiu sira ne'ebé tenke atende hodi mantein nia estatutu nu'udar nasaun direitu demokrátiku iha rejiaun ne'e.

Entre problema sira ne'e, infraestruturá informasaun no teknolojia komunikasaun (IKT) ne'ebé limitadu iha nasaun ne'e, ne'ebé rezulta konetividade internét ne'ebé neneik liu no mós karun liu iha mundu.

"Ami apresia inisiativa governu Timor-Leste nian atu habelar internét nia lalais no disponibilidade liuhusi submarinu no mós kabe husi fibra optika rai nian. Iha era dijital ida-ne'e, asesu ba internét tenke sai nu'udar prioridade ida, tanba ida-ne'e mós afeta mós

direitu báziku sira hanesan asesu ba informasaun no edukasaun," dehan APHR Membru no membru sira husi Filipina nia Representante sira Raoul Manuel.

Enkuantu liberdade imprensa iha Timor-Leste hetan sasukat boot liu husi média global Reporters Without Borders, maibe jornalista no membru sosiedade sivil sira hamosu preokupasaun kona-ba ameasa ba liberdade espresaun online. Maski to'o agora la iha jornalista ka sidadaun baibain ne'ebé hetan pena prizaun ba espresaun pasifika, balun hasoru ona akuzasaun, nune'e mós intimidasaun no asediu husi autoridade ezekusaun lei.

Governu uluk mós koko atu introdús fali artigu sira ne'ebé kriminaliza defamasaun iha Kodigu Penal Timor-Leste nian, no esbosu ida husi Lei Krimi Sibernetika ne'ebé apresenta ona iha tinan 2021 inklui provizaun sira ne'ebé bele uza potencialmente atu halo nonok polítiku.

"Ita komprende katak atu aumenta disponibilidade internét no espresaun online bele nesesita regulamentu no monitorizasaun barak liután. Maski nune'e, tuir ami-nia esperiénsia iha ami-nia nasaun rasik hatudu oinsá regulamentu sira-ne'e, se la akompaña ho protesaun ne'ebé nesesariu, maka bele rezulta abuzu podér no reprimisaun ba lian kritiku sira," Manuel dehan.

Aktu Komunikaun no Multimedia iha Malazia, Lei Prevensaun Krime Siber iha Filipina, no Lei Seguransa Siber no Lei Krime sira ne'ebé relasiona ho Komputador iha Tailandia, hotu uza ona atu kriminaliza no halo nonok espresaun pasifika husi opiniaun polítika online.

Tan nune'e, "iha tempu ne'e ami husu ba governu no parlamentu Timor-Leste atu aseguara katak kada lejizlasaun sira ne'ebé regula hahalok online sei la viola liberdade espresaun no liberdade imprensa ne'ebé hakerek iha Konstituisaun Timor-Leste no lei direitus umanus internasionál sira-nian," dehan Membru APHR no eis membru parlamentu Tailandia Kunthida Rungroengkiat.

Aleinde lejizlasaun, delegasaun APHR mós nota importánsia husi promosaun literasia dijital entre públiku jerál no mós iha instituisaun estadu no ajénsia ezekusaun lei sira.

"Maski dala ruma presiza regulamentu sira, dalan ida-ne'ebé efektivu liu atu aseguara katak públiku hetan protesaun husi internét nia efektu aat mak hodi hasa'e sira-nia kapasidade atu rekoñese no komprende tipu konteúdu oiain ne'ebé bele hetan online, inklui notísia falsu no lia-bosok sira," hateten Rungroengkiat.

"Ita mós ezije deputadu no ofisiál governu sira hotu iha Timor-Leste atu nakloke ba kritika no hamriik metin ba sira ne'ebé hetan asediu no prosesu husi autór estadu sira tanba sira hato'o sira-nia opiniaun polítika ho dame. Maski kritika online dalaruma la nesesáriu, maibé



ita tenke rekoñese katak nu'udar figura públiku, ita-nia desizaun sira afeta interese públiku nian no tanba ne'e tenke sujeita ba komentáriu públiku nian no, dalaruma, diskorda husi públiku," dehan Gooi Hsiao Leung.